

**Talamdan sa
Mga Mensahe alang sa Full-time Training
sa Fall Term sa 2022**

**LINANGKOB NGA HISGOTANAN:
MAGKINABUHI DIHA SA REALIDAD SA LAWAS NI CRISTO
SA PAGKAT-ON KANG CRISTO MAINGON NGA NAA NI JESUS ANG REALIDAD**

Mensahe 7

**Magkinabuhi diha sa Realidad sa Lawas ni Cristo
sa Pagkinabuhi diha sa Mga Bahin sa Sulod ni Cristo Jesus**

(1)

**Magkinabuhi diha sa Mga Bahin sa Sulod ni Cristo Jesus
ug Pakinabuhion si Cristo sa Mga Bahin Nato sa Sulod**

Basahong Kasulatan: Sal. 16:7; A. A. 5:14b; Fil. 1:8; Col. 3:12; Tito 3:4

- I. **“Masayod ang tanang iglesia nga Akoy nagsusi sa sulodnong mga bahin ug sa mga kasingkasing”—Bug. 2:23b.**
- II. **Kon buot tang magkinabuhi diha sa realidad sa Lawas ni Cristo, magkinabuhi gyod ta diha sa sulodnong mga bahin ni Cristo Jesus ug pakinabuhion nato si Cristo sa sulodnong mga bahin nato—Fil. 1:8; Efe. 4:16.**
- III. **Ingon nga tawo, dunay sulodnong mga bahin sa tawo si Cristo nga dunay nagkalinlaing kagamitan, ug ang mga kasinatian ni Cristo diha sa sulodnong mga bahin Niya mga kasinatian man Niya diha sa Iyang salabotan, pagbati, pagbuot, kalag, kasingkasing, ug espiritu, lakip na sa Iyang gugma, tinguha, pagbati, hunahuna, desisyon, motibo, ug tuyo—Luc. 2:49; Juan 2:17; Mat. 26:39; Isa. 53:11-12; 42:4; Mar. 2:8:**
 - A. Ang mga ginhawaan sa halad sa pakigdait nagtimaan sa kalumo, kagamay, ug kabililhon kon unsa si Cristo sa sulodnong pagkamao Niya ngadto sa Dios nga magtagbaw sa Dios—Lev. 3:3.
 - B. Gitudloan si Cristo sa mga bahin Niya sa sulod magabii—Sal. 16:7b; Isa. 50:4:
 1. Sa dihang gitambagan sa Dios si Cristo ingog tawo, gitudloan Siya sa mga bahin Niya sa sulod tungod sa pakigkontak Niya sa Dios—Sal. 16:7.
 2. Nausa sa Dios ang mga bahin ni Cristo sa sulod; kini ang hustong pagsinati sa Dios-tawo—Fil. 1:8.
 - C. “Binuhat sa marfil ang iyang tiyan, / Hinal-oan og mga sapiro” (A. A. 5:14b); ang mga bahin sa sulod (tiyan) ni Cristo tugob sa lalom, malumong mga pagbati nga naumol tungod sa Iyang mga pag-antos (binuhat sa marfil) ilalom sa tin-aw nga langitnong pananawon (sapiro, itandi sa Exo. 24:10).
 - D. Ang pagkaon sa cordero sa pasko lakip na sa mga ginhawaan niini nagtimaan sa pagkaon kang Cristo sa mga bahin Niya sa sulod—12:9; Fil. 1:8.
- IV. **Tawo si Pablo nga mapadayonong nagsinati ni Cristo sa mga bahin Niya sa sulod—v. 8; 2:5; 1 Cor. 2:16b; Rom. 8:6:**
 - A. Nausa ang apostol ni Cristo bisan sa Iyang mga bahin sa sulod—sa Iyang pagbati, malumong kaluoy, ug simpatiya—Fil. 1:8.

- B. Wala ipapabilin ni Pablo ang kaugalingon niyang mga bahin sa sulod; gihimo hinuon niyang iyaha ang mga bahin ni Cristo sa sulod—Efe. 3:17:
 - 1. Gihimo ni Pablo nga iyaha dili lang ang hunahuna ni Cristo kondili ang tibuok sab nga pagkatawo Niya sa sulod.
 - 2. Nausab, napahaluna pag-usab, natukod pag-usab ang pagkatawo ni Pablo sa sulod.
 - 3. Naumol pag-usab sa mga bahin sa sulod ni Cristo ang pagkamao ni Pablo sa sulod—Col. 3:12.
- C. Ang naa ni Cristo ingon nga pagkamatinud-anon—pagkamatinuoron, pagkamatinumanon, ug pagkakasaligan—naa sab ni Pablo—2 Cor. 11:10.
- D. Ang gugma ni Pablo alang sa mga balaan dili man iyahang gugma kondili ang gugma nga naa ni Cristo; tungod niana, nahigugma si Pablo sa mga balaan dili pinaagi sa natural niyang gugma kondili sa gugma ni Criso—1 Cor. 16:24.

V. Nagkinabuhi si Pablo diha sa realidad sa Lawas ni Cristo sa paghimo niya sa pagbati ni Cristo alang sa Lawas nga kaugalingon niyang pagbati—Fil. 1:8:

- A. Gihimo ni Pablo nga kaugalingon niyang mga bahin sa sulod ang mga bahin ni Cristo sa sulod alang sa Lawas ni Cristo—v. 8.
- B. Sama ni Pablo, himoon gyod natong kaugalingong pagbati nato ang pagbati ni Cristo nga Ulo; labi gyong gikinahanglan kini sa pagkinabuhi nato diha sa realidad sa Lawas ni Cristo—2:1; Col. 3:12.

VI. Ang pagkinabuhi kang Cristo nagkinahanglan nga magkinabuhi ta diha sa mga bahin ni Cristo sa sulod—Fil. 1:21a, 8:

- A. Nasinati ni Pablo ang mga bahin ni Cristo sa sulod; nausa siya ni Cristo sa mga bahin Niya sa sulod sa pagpangandoy niya sa mga balaan—v. 8.
- B. Wala magkinabuhi si Pablo diha sa natural nga pagkatawo niya; nagkinabuhi siya diha sa mga bahin ni Cristo sa sulod.
- C. Kon buot ta nga maanaa ni Cristo, kinahanglan maanaa ta sa mga bahin Niya sa sulod, sa malumo ug maaghop nga mga pagbati Niya—Juan 15:4a.
- D. Ang pagkinabuhi kang Cristo pagpabilin man diha sa mga bahin Niya sa sulod ug didto magpahimulos Niya nga grasya—Fil. 1:7; 4:23.

VII. Aron magkinabuhi diha sa realidad sa Lawas ni Cristo, isul-ob gyod nato ang mga bahin sa sulod nga puangod ug kalulot—Col. 3:10-12:

- A. Ang puangod lalom nga pagkaila sa pag-antos sa laing tawo, inubanan sa tinguha nga mahupay unta nato kini—Luc. 6:36:
 - 1. Bisan susama kaayo sa kaluoy ang puangod, mas lalom, mas pino, ug mas dato kini kaysa kaluoy—10:33-34.
 - 2. Ang pulong *puangod* maoy kinalawman sa mga pulong, nga nagpakita sa sulodnong pagbati sa Dios alang sa tawo sa makaluluoyng kahimtang niya—Sal. 103:8; James 5:11; 2 Cor. 1:3.
 - 3. Ang Griyegong pulong sa *puangod* nagpasabot sa pagbati sa sulod nga naggikan sa kasingkasing sa tawong mabination.
- B. Ang kalulot pagkamaayo nga gikan sa kaluoy ug paghigugma; nianang kalulota gihtag ang grasya sa Dios kanato—Tito 3:4; Efe. 2:7:
 - 1. Usa ka butang sa bunga sa Espiritu ang kalulot—Gal. 5:22.
 - 2. Ang kalulot ug gugma sa atong Manluluwas nga Dios ang nagluwas nato ug naghimo natong lahi sa uban—Tito 3:4; Rom. 2:4.
 - 3. Ministro sa Dios sa kalulot si apostol Pablo, ug gisugo ta Niya nga magpadayon diha sa kalulot sa Dios—2 Cor. 6:4, 6; Rom. 11:22.

4. Sa kapanahonang moabot—sa mga panahon sa millennium ug sa umalabot nga eternidad—ipasundayag sa Dios “ang labaw gyod nga kadato sa Iyang grasya diha sa kalulot nganhi nato diha ni Cristo Jesus”—Efe. 2:7.
5. Malulot ang gugma (1 Cor. 13:4), ug magmalulot gyod ta sa usag usa, magmalumog kasingkasing, magpinasayloay sa usag usa, maingon nga gipasaylo sab mo sa Dios diha ni Cristo (Efe. 4:32).

VIII. “Nahimuot ka sa kamatuoran sa mga bahin sa sulod”—Sal. 51:6a.